

Вольбы
до Народной рады Словенської республіки

Інформації про воліча

I
Датум і час волеб

Вольбы до Народной рады Словенської республіки будуть в суботу 29. 2. 2020 од 7:00 до 22:00 години.

II
Право волити

Право волити до Народной рады Словенської республіки мати обчан Словенської республіки, котрий найпізніше в день волеб досяг 18 років віку і не настав у нього конфлікт з правом волити.

Право волити є в конфлікті з законним окліщінём особної слободы на основі охорони публічного здоров'я.

III
Право быти воленым

За посланця Народной рады Словенської республіки може быти зволеный обчан Словенської республіки, котрий найпізніше в день волеб досяг 21 років віку і жыє на теріторії Словенської республіки.

Конфліктом з правом быти воленым є:

- заарештования,
- правоплатне одсуджіння за напланований кріміналный чін, поки одсуджіння не было загладжене,
- однята способности робити правны діла.

IV
Способ вольбы

Воліч може волити на теріторії Словенської республіки:

- у волебнім раёні, в списку котрого є записаний, або
- в будькотрім волебнім раёні посередництвом легітімації на голосування.

Воліч може волити мімо теріторії Словенської республіки посередництвом пошти, кіль:

- місце ёго стабілного бываня не є на теріторії Словенської республіки і быв на основі жадости записаний до шпеціалного списку волічів,
- місце ёго стабілного бываня є на теріторії Словенської республіки а в часі волеб ся стримує мімо єй теріторії і право волити посередництвом пошти пожадать од села/міста, в котрім стабільно бывати.

V Легітімація на голосування

Воліч, котрий стабільно бувати на території Словенської республіки і в день волеб не буде мочі волити в місті свого стабільного бування у волебнім раєні, де є записаний в списку волічів, може пожадати **од села/міста свого стабільного бування** легітімацію на голосування. Село/місто на пожадання волічови виставить легітімацію на голосування і видасть го зо списку волічів з позначков, же му видало легітімацію на голосування.

Легітімація на голосування дає право на запис до списку волічів у будькотрім волебнім раєні.

Воліч може пожадати легітімацію на голосування:

особно,

найпізніше в послідній робітний день перед виборами (т. є. напізніше 28. 2. 2020) в урядних годинах села.

Село видасть легітімацію на голосування безодкладно,

у формі листини так,

жебы жадость о видаання легітімації на голосування була доручена селу/місту найпізніше 15 робітних днів перед днем волеб (т. є. найпізніше 10. 2. 2020),

електронічнов поштов (і-мейлом) так,

жебы жадость о видаання легітімації на голосування була доручена селу/місту найпізніше 15 робітних днів перед днем волеб (т. є. найпізніше 10. 2. 2020). Село/місто про таки припадки опублікує на своїм вебсайті електронічну адресу на посилання жадостей. Кілька села/місто не має свій вебсайт, опублікує електронічну адресу на посилання жадостей на урядній таблі села.

В жадости мусять быти уведжены такы факты о волічови:

- мено і прізвіско,
- родне чісло,
- штатне обчанство,
- адреса стабільного бування (село, уліця, чісло дому),
- адреса, на котру село/місто зажене легітімацію на голосування.

посередництвом особи, уповноваженої жадателем

мож пожадати легітімацію на голосування найпізніше послідній день перед днем волеб (т. є. найпізніше 28. 2. 2020)

В жадости мусять быти уведжены такы факты о волічови:

- мено і прізвіско,
- родне чісло,
- штатне обчанство,
- адреса стабільного бування (село, уліця, чісло дому).

Село/місто зажене легітімацію на голосування волічови на адресу стабільного бування, кілька в жадости не уведе іншу кореспонденчу адресу, найпізніше до трёх робітних днів од доручіння жадости. Село зажене легітімацію на голосування на адресу уведжену в жадости рекомандо-писмом „*До властивих рук*“.

Кілька воліч в писомній або електронічній жадости уведе, же легітімацію на голосування перебере інша особа, мусить в жадости увести ёй мено, прізвіско і чісло обчанської легітімації. Тота особа повинна перевзяття легітімації на голосування потвердити своїм підписом.

VI

Вольба посередництвом пошти

Воліч, котрый має місце стабілного бываня на теріторії Словенської републіки а в часі волеб є мімо єй теріторії

Воліч, котрый має місце стабілного бываня на теріторії Словенської републіки а в часі волеб є мімо єй теріторії, може пожадати село свого стабілного бываня волити посередництвом пошти, а то

писомно (формов писма),

жебы жадость волити посередництвом пошти была доручена на адресу села/міста (сільского або міського уряду) найпізніше 50 днів перед днём волеб (т. є. найпізніше 10. 1. 2020).

Жадость доручена по становленім часі є неплатна.

електронічно (і-мейлом) так,

жебы жадось волити посередництвом пошти была доручена на електронічну адресу села/міста найпізніше 50 днів перед днём волеб (т. є. найпізніше 10. 1. 2020).

Жадость доручена по становленім часі є неплатна.

В жадости волити посередництвом пошти мусять быти уведженые такы факты о волічови:

- мено і призвіско,
- родне чісло,
- адреса стабілного бываня,
- адреса міста бываня в загранічу.

Кідь жадость обсягує вшытко, што становлює закон, село/місто зажене найпізніше 35 днів перед днём волеб волічови, котрый пожадав волити посереднитвом пошти, на адресу міста бываня в загранічу:

- копертку з уряднов печатков села/міста,
- листы на голосованя,
- корешпонденчну копертку (означену геслом: „VOL'BA POŠTOU - ELECTION BY MAIL“ з выписанов адресов села як адресата і з адресов воліча як одосылателя,
- поучіння о способі голосованя.

Позад акту голосованя (подля поучіння о способі голосованя) вложить воліч лист на голосованя до коперткы з уряднов печатков села і заліпить єй. Заліплену копертку вложить до корешпонденчной коперткы, которую зажене назад. Поштовне заплатить одосылатель.

До выслідку голосованя ся зарахують голосы на листах голосованя, которы были доручены селу стабілного бываня воліча найпізніше в послідній робітный день перед днём волеб (т. є. найпізніше 28. 2. 2020).

Далши інформації о вольбах до Народной рады Словенської републіки ся находять на вебсайті

www.minv.sk/?volby-nrsr